

» de X, quanto ha rapporto alla disciplina, alla tranquillità, al co-
 » stume, sarà donca vero, che ze ballottabili le parole, e che perciò
 » le ha da esser esauride. E se sto *quanto* vol dir, tutto quello ha
 » rapporto alla disciplina, e alla tranquillità dei cittadini, dei sud-
 » diti, come dalle parole non doverà risultar la differenza fra le leggi
 » antiche, e sta proposizion? Tranquillità vol dir tutto. El dar la
 » tranquillità ze un dar un poter assoluto, e sovra i omeni, e sovra
 » i corpi. Disciplina in senso de legge vol dir tutto. La facultà del
 » Conseggio de X (se parli finalmente con libertà) ze de delegar
 » i casi minori ai magistrati colla facultà de delegazion avuda dal
 » Mazor Conseggio. La facultà del Conseggio de X, ze quella, che
 » ghe vien compartida dalla legge 1762. Le dise, che la tranquil-
 » lità, la disciplina dev' esser del Conseggio de X, e poi la se ghe
 » dà colle facultà delle leggi? Se anche ste leggi anteriori venisse
 » distratte da sta posterior, e che vostre eccellenze, col loro voto
 » ammettendo sta proposizion, le dasse in astratto la disciplina, la
 » tranquillità, la moderazion al Conseggio de X, el Conseggio de X,
 » non potendo trattar tutto, el sarave in necessità de delegar. Se
 » tratta, che le accolga quello, che ha preso la sapienza dei loro
 » maggiori in un tempo, nel qual non ghe era polvere su stà renga.
 » Non se tratta de un punto de testamento de un privato cittadin, se
 » tratta del testamento della patria.

» Chi chiama torbido el cittadin che ha eccità ha da resolver i
 » obbietti ancora fatti a una cattiva proposizion. Se i so fini sia in-
 » diretti, se el sia inquieto e torbido, se l'abbia rason, o torto, l'ha
 » deciso fin' ad ora tre bossoli.

» Se l'eccitante unisse alla proposizion una proposizion el sa-
 » rave reo. Come vorla che propona mi, che son un semplice cit-
 » tadin senz' alcuna autorità, se quando questo vegnisse in pensier
 » a un cao de XL, che finalmente la ga, le ghe la proibirave? Op-
 » pono a una proposizion più per quello, che la contien in se de
 » mal, che per quello che no la ne dà de ben. Vegnirà forse el tem-
 » po, che la providenza divina colpirà la serenissima Signoria a